

Heina

Geppert Michaelis Joh: (Polonus Cra-  
coviensis): Theses inaugurales  
medicæ. Vindob. 1771. ?

BIBLIOTHECA UNIV.



JAGIELLOŃSKA

~~Medyc. 558.~~

1

Ill

F

U

R

Pe

Pe

Pe

D

V

P

In

N

# THESES INAUGURALES MEDICÆ

QUAS AUCTORITATE, ET CONSENSU  
Illustrissimorum, Perillustrium, Magnificorum  
Spectabilium, Clarissimorum Virorum,

Perillustres, Consultissimi, ac Magnifici Domini  
UNIVERSITATIS RECTORIS

Reverendissimi, Illustrissimi, ac Amplissimi Domini

UNIVERSITATIS CANCELLARII,

Perillustres, Magnifici, ac Clarissimi Inclytæ Facultæ  
Medicæ

DOMINI PRIMI PRÆSIDIS,  
Perillustres, Spectabilis, ac Magnifici, Inclytæ Ejusdæ  
Facultatis

DOMINI SECUNDI PRÆSIDIS  
Perillustres, Clarissimi, ac Spectabilis Inclytæ Ejusdæ  
Facultatis

DOMINI DECANI,  
D.D. Sacræ Cæsareo-Regiæ Apostol. Majestæ  
Consiliariorum, ac Archiatrorum, nec non  
Clarissimorum

D. D. PROFESSORUM,  
Venerabilis Domini Senioris, atque totius Amplissimæ

DOMINORUM MEDICORUM COLLEGII,  
Pro supremis in Medicina Honoribus, & Privilegiis  
Doctoralibus legitime obtinendis.

In Antiquissima, ac Celeberrima Universitate Vindobonensi  
Publicæ Disquisitioni submittit.

MATHIAS JOS. GEPPERT

Polonus Patritius Cracoviensis  
Philosophiæ Doctor

IN PALATIO UNIVERSITATIS

Die Mensis Julii Anno M DCC LXXI

---

LITTERIS KIRCHBERGERIANIS.





43196

I

3  
I  
Q  
M  
V  
li  
va  
ta  
ta  
pe  
ri  
ci  
di  
su  
re  
m  
in



# PRÆFATIO.

L. B.

**Q**uum pro more ac instituto Academico in utroque *Examine* quinquennalis Studii mei Medici, coram Amplissimis ac Expertissimis Viris dedissem specimen, de materia inauguralis Dissertationis cogitandum erat. In vastissimo artis hujus saluberrimæ campo, res tam graves, conservandoque generi humano, tam pernecessariæ occurrebant, ut etsi in hac perficienda, immortale sibi nomen pepererint plurimi, reslent tamen tanta ac talia, quæ medicis non unum illudque copiosissimum disquirendi discernendique porrigant argumentum; & licet supra vires meas tanta moliri bene intelligerem, tentare tamen quid vetaret? Verum demandata mihi **DE SUPER** provincia abeundi in Regnum Bohemiæ pro præstanda *Ægris* assis-



*assistencia medica, vix tantum temporis reliquit, ut Theses inaugurales Medicas, publicæ Disputationi potuissem exponere, pro quibus, ex parte illa Artis Medicæ, quæ quid circa gravidas, parturientes, puerperas, & neonatos sit faciendum, moliendumve, aut omitendum, ex duplici Artis hujus cursu selegi, quas ex ore Clarissimi Viri Domini LEBMA-CHER in hac Universitate Celeberrima in publicis collegiis audire obtigit.*

*Hæc igitur Theses benigno si susceperis L. B. animo, mihi gratulabor. Vale.*

THE-

is reli-  
publicæ  
bus, ex  
d circa  
& neo-  
ut omit-  
selegi.  
EBMA-  
a in pu-

eris Li



## THESES PRACTICÆ.

### I.

**P**uerpera, ut summe vulneratus, tractan-  
da.

### II.

Animi deliquia, convulsiones post par-  
tum contingentes, a sanguine, nunc libe-  
rius per systema mesentericum non amplius  
a mole uteri pressum, circulante, adeoque  
cerebro, cerebello, & consequenter etiam  
cordi detracto, frequentissime oriuntur; quæ  
sustentatione abdominis, lenique ejusdem  
fasciarum constrictione (minime vero spiri-  
tuosis, volatilibus, nerveisve cardiacis, ut  
nec interne, ita neque externe applicandis)  
sopipiendæ sunt. Orta vero mala hæc a jactu-





ra humorum nimia sub, ante, vel in ipso partu facta aliam exposcunt medelam.

### III.

Arcta autem, fortisque fasciarum abdomini puerperæ circumductio suppressionem lochiorum, uterive hæmorrhagiam, oppressionem pectoris, anxietatem summam, febrem validam, delirium, alvi adstrictionem, & alia mala causare solet.

### IV.

Quare Medicus ad puerperam symptomatibus (III.) enarratis laborantem vocatus, abdomen, arctisne circumductum sit fasciis, examinandum habet, persuadendus, symptomata (III.) descripta non citius (factis, per me licet, venæ sectionibus, etiam repetitis; applicatis cuicunque parti vesicantibus; mari quoque temperantium, refrigerantiumve exhausto) donec illa fasciarum abdomini circumductarum arctitudo tollatur, atque strictura, levatum iri.

### V.

Febris puerperis tertio, quarto die, serius, aut citius superveniens, vehementior aliis,





aliis, aliis mitior, de essentia puerperii esse videtur.

## VI.

Causa febris (V.) descriptæ, atque lacteæ in arte vocatæ, vel lac ex substantia uteri in massam sanguinis raptum, vel superficie uteri internæ ea, qua eidem adhærebat placenta, parte suppuratio facta statui potest.

## VII.

Regimen puerperii, ut & medicamenta, alimentave, vel potulenta calida, stimulantia, minime sunt: hæc enim puerperam, laboribus partus antea divexatam, & defatigatam maximopere debilitant, spissitudinem inflammatoriam inducunt, atque vel suppressionem lochiorum, unde inflammatio uteri (malum puerperis tam exitiale, & vix non semper lethale), vel exanthemata puerperam provocata post se trahunt.

## VIII.

Sed cavendum pariter est a frigidis, quæ perspirationem puerperis tam salutarem facile sufflaminare solent; unde iterato lochio-



rum suppressio, atque uteri inflammatio  
(VII.).

### IX.

Aër temperatus, sæpe renovatus, ita tamen, ut non immediate allambat puerperam; renovatio lintheaminum, indusiorum, bene exsiccatorum, aut fumo aromatico lustratorum, mutatio; potus aquæ recentis, nec frigidaë, nec calidaë admodum, optima puerperis cardiaca.

### X.

Puerperæ lecto alligandæ non sunt, præcipue ubi febris lactea jam deferbuit; nisi procidentia uteri laborent. Cavento tamen sollicitè a perfrigeratione.

### XI.

Dolores posthumi, mitiores primo, sæviores communiter subsequenter partibus, a flatibus, acrimonia humorum, alvo adstricta, grumis, placentave in utero relicta pendentes, clysmatibus emollientibus, oleosis cum chamomilla, internisque lenissime stimulantibus uti est aqua Melissæ simplex, absorbentibus, diacodiatis, etiam pro re nata





ta ipsa essentia succini, felicissime debellatur.

## XII.

Febris lactea (V.), nisi exorbitet, temperantibus, & absorbentibus, potibusque theatis, communiter cedit.

## XIII.

Quæ si exorbitet, atque inflammationem aliquam topicam producat, vel lochia supprimat, venæ sectione, aliisque (XII.) erit oppugnanda. Clysmata oleosa, emollientia, & in febre lactea, & alio puerperii tempore nunquam nocere visa sunt.

## XIV.

Hinc falsa est regula: *a recenti puerperii statu contraindicari semper venæ sectionem.*

## XV.

Lac, tenello post partum destinatum a natura alimentum foetui, lege ejusdem naturæ fertur ad mammas, illac evacuandum. Verum ubi isthic offendit resistantiam, vagabundum in corpore ad varias tam nobiles, quam ignobiles defertur partes, diros ibidem,



atque non facile curabiles generaturum morbos. Apoplexiæ inde, hydropes, & alia mala inde orta observata sunt Auctoribus.

### XVI.

Felix profecto est materiæ hujus lactææ metastasis ad uteri cavum, sub nomine *Lochiorum lactææ* isthac postea eliminandæ. Non infausta pariter in cavum intestinorum, vel ad vias urinarias depositio, excernendæ dein cum alvo, urinave, caseosis. Sudor puerperarum acidus, non semper miliaria, sed potius evacuationem materiæ lactææ, quodammodo jam immutatæ, denunciat, cum plures puerperæ, quibus neque per mammas, nec per uterum, nec cum alvo, urinave evacuata fuit materies dicta, nullam depositionem lacteam passæ fuisse observatæ sint.

### XVII.

Ergo lac post partum evacuari debet, quod vel sensibiliter, vel insensibiliter fieri potest.

### XVIII.

Solet vero vel per mammas, vel per uterum, vel urinas, vel per alvum, vel  
per





per sudorem fieri sensibilis evacuatio hæc. Insensibilem ejusdem evacuationem per transpirationem contingere probat fors necessitas illa summa conservandæ in puerperis perspirationis Sanctorianæ.

## XIX.

Verosimile igitur videtur, materiem hanc lacteam, in corpore puerperæ relictam, non amplius converti posse in humores ejusdem sanos, cum non evacuata (XVIII.) depositionem illam, *lacteam* dictam, fere semper producere solitum habeat.

## XX.

Cognoscitur depositio hæc lactea fieri, si post puerperium deservescente jam febre lactea, nec per mammas, nec per lochia, nec per alvum, nec per urinas videatur evacuatio lactis, sed succedat sine ulla causa quadam in parte dolor, tumor albicans, tensio, & alia ejusmodi symptomata, quæ metastasim aliis etiam in morbis denunciare solent.



## XXI.

Ad femora; inguina, &c. frequentissime deponi solita materies hæc facit ibidem tumorem, ab œdemate in eo distinguendum: 1mo quod depositio hæc fiat post puerperium defervescente jam febre lactea, vel post ablactationem; œdema omni tempore. 2do. Depositio incipit a supra, deorsum descendit; œdema ab infra incipiens superiora petit. 3tio. Depositionem præcedit dolor vehemens, & concomitatur; non ita œdema. 4to. Tumor lacteus est superius major, latior; inferius minor, angustior, contra ac in œdemate usuvenit.

## XXII.

Indiciis futuræ depositionis lacteæ habitis mox cura summe antiphlogistica est adhibenda. Venam bis, ter, etiam quater secare; lenia purgantia interne assumenda, aliave revellentia exhibere, quod salia media lapidibus cancerorum maritata optime quadrant; cataplasmata (si manui accessus detur) discutientia, & resolventia ex mica panis, sapone veneto, sale alcalino, vel ejusdem lixivio cum tantillo campho-





phoræ, vel & croci applicare, natura tumoris, & vehementia mali indicant.

### XXIII.

Tumor lacteus externe patens, dictis (XXII.) non cedens, aperturam exposcit.

### XXIV.

Ad articulos depositum lac, horum hydropem, & destructionem minitatur. Periculosa ejusdem depositio ad coxam. Periculosissima ad internas corporis partes. præcipue ad caput.

### XXV.

Diarrhœa non admodum infrequens est puerperis; quamvis & alvus adstricta in iisdem observata fuerit.

### XXVI.

Diarrhœa hæc in *criticam*, & *symptomaticam* non incongrue dividi solet, quod ratione curæ bene notari debet.

### XXVII.

*Critica* sequentibus noscitur signis: Imo: incipit post tertium vel quartum a partu diem.



diem. 2do. Alvus est pultacea, flava, vel alba, vel ex his variegata, cum euphoria. 3tio. Lochia, urina non supprimuntur, tantummodo imminuuntur. 4to. Appetitus, & somnus, integra manent, aut vix læduntur. 5to. Pulsus est pacatus. 6to. Abdomen molle.

## XXVIII.

*Symptomaticam* pronunciabis, si 1mo. citius, quam (XXVII. 1mo.) incipit. 2do. Alvus limosa, & statim nigricans, mox in gryseam & ferosam, quandoque mucosam & sanguinolentam mutanda. 3tio. Lochiorum suppressio. 4to. Tumor abdominis. 5to. Prostratio virium. 6to. Appetitus deletus. 7mo. Aetypnia. 8vo. Urina parior cum sedimento lateritio. 9no. Ardor internorum cum externorum frigore.

## XXIX.

Criticam talem diarrhoeam inhibere ventant artis regulæ, hinc demulcentia, oleosa blanda, lubricantia exhibenda. *Symptomatica* neque promovenda, neque sistenda, sed antisepticis efficacibus putredo incen-





cepta corrigenda, simulque vires labascen-  
tes erigendæ.

## XXX.

Alvum adstrictam, nisi emollientibus, oleo-  
sis, ano & cato exhibitis cedat, purgantia  
rhabarbarina, myrobalani  
compefcunt.

F I N I S.



13. Urahu a. 1800

Biblioteka Jagiellońska



stdr0023591



BIBLIOTH. UNIV.



JAGIELLOŃSKA